



## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

Art. I. Per quim natura divina, sub ratione naturæ & radicis attributorum,  
formaliter constituatur?

---

[urn:nbn:de:hbz:466:1-77232](#)

DE NATVRA ET QVIDDITATE DEI. 49

*Contra  
praxeā  
cap. 8.* **relativæ**, realiter inter se distinxit; & idcirco ex pluralitate personarum in Deo, non sequuntur incommoda deducta ex Deorum multitudine. Unde Tertullianus: *Trinitatis non obſtrupit Monarchia*, & *in xviij. ſtatutum protegit*. Idem eleganter docet Bernardus libro 5. de confid. cap. 8. *Non abducimur* ( inquit ) *ab hac unitatis proſeſſione, aſſertiōne trium: cūm in hac Trinitate non recipiamus multiplicitatēm, ſicut nec ſolitudinem in unitate. Quamobrem cūm dico unum, non me turbat Trinitatis numerus, qui eſſentiam non multiplicat, non variat, nec patitur. Rurſum cām dico tria, non me arguit intuitus unitatis, quæ illa quæcumque tria, ſeu illos tres, nec in conuofionem cogit, nec in singularitatem redigit*, &c.

A Notandum secundò, naturam vel essentiam in Deo posse duobus modis usurpari. Primo largè, & in ampla quadam significatione, prout felice significat ipsam entitatem, & substantiam in creatam Dei, quæ se habet per modum transcendentis, & includit in divinis relationibus & attributis, eo proportionali modo, quo ratio entis creati & finiti imbibitur in omnibus differentiis & modis rerum creatarum. Secundo propriè & strictè, prout natura concipitur in Deo veluti radix, & ratio à priori divinorum attributorum, à quibus proinde virtualiter distinguitur, & in quibus sub hac ratione non concipitur ut transcendentaliter inclusa. Et hac distinctio maximè p̄œ oculis habenda est: quia (ut rectè advertit Joannes à S. Thoma, & constabat ex infra dicendis) ex ejus defectu & inadvertentia, contingit multos Authores à quicunque, & halucinari in hac materia.

## DISPV TATIO II.

*DE NATVRA ET QVIDDITATE  
Dei.*

**C**um natura & quidditas rei, sit fundamen-  
tum omnium quae docentur in ali-  
qua scientia, & ratio à priori, per quam  
proprietates de suo objeto demonstrantur, an-  
tequam de divinis attributis, que sunt veluti di-  
vinæ nature proprietates & affectiones, dispu-  
temus, de ipsa natura, & quidditate Dei agen-  
dum est, que ita est ad intelligentendum difficilis,  
ut ejus intelligentia, omnium Theologorum in-  
genia, vel torqueat, vel absborbeat: ut enim in-  
quit Nazianzenus: *Certè hoc Deus est, quod cùm  
dicitur, non potest dici, cùm cùm definatur, non potest  
estimari, cùm definitur, definitione crescit, quem  
omnia nesciunt, & metuendo sciunt.*

ARTICVLVS I.

*Per quid natura divina, sub ratione naturae,  
Et radicis attributorum, formaliter  
constituatur?*

§. I.

*Aperitur difficultas, & referuntur sententiae.*

**N**otandum primò: Quòd licet omnia quae sunt in Deo sint unum realiter, ubi non obviat relationis oppositio: quia tamen unica & simplicissima divinitatis substantia, æquivalens variis perfectionibus, quæ in rebus creatis realiter distinguntur: hinc sit, quod in Deo, cum fundamento in re concepiamus aliquam perfectionem, quæ se habet per modum naturæ, & alias quæ habent rationem proprietatis & attributi, & quæ secundum nostrum modum concipiendi, ad naturam divinam consequntur, illamque veluti modificant, & trahunt ad aliam lineam. Sicut ergo, quamvis personalitas in Deo, cum divina natura, ejusque attributis realiter identificetur, nihilominus inquire solet in Tractatu de Trinitate, per quid divina persona constiuantur: an per relations, vel per origines? Ita etiam queritur à Theologis hic, & infra quæst. 14. per quid constituantur divina natura, sub ratione naturæ, & ut eminenti quodam modo, est veluti radix, & ratio à priori, seu causa virtualis divinorum attributorum? Quod ut magis percipiatur, & in hac difficulti quæstione, omnis æquivocatio tollatur.

Tom. I.

A Notandum secundò : naturam vel essentiam in Deo possèduobus modis usurpari. Primo largè, & in ampla quadam significazione, prout scilicet significat ipsam entitatem, & substantiam in creatam Dei, quæ se habet per modum transcendens, & includitur in divinis relationibus & attributis, eo proportionali modo, quo ratio entis creati & finiti imbibitur in omnibus differentiis & modis rerum creatarum. Secundo propriè & strictè, prout natura concipitur in Deo veluti radix, & ratio à priori divinorum attributorum, à quibus proinde virtualiter distinguitur, & in quibus sub hac ratione non concipitur ut transcendentaliter inclusa. Et hæc distinctione maximè præ oculis habenda est : quia (ut rectè advertit Joannes à S. Thoma, & constabat ex infra dicendis) ex ejus defectu & inadvertentia, contingit multos Authores æquivocare, & halucinari in hac materia.

B Notandum tertio : Duplicem esse constitutio- nem rerum, unam quæ fit per compositionem, sive realem, sive rationis cum fundamento in re : aliam verò qua est purissima, & qua excludit omnem compositionem, ac distinctionem extremonrum, quæque constitutio per simplicitatem à Theologis appellatur. Exemplum prima habemus in homine, qui physicè constitutus ex corpore & anima, & metaphysicè ex genere & differentia. Exemplum verò secunda, in divinis personis, quæ constituantur per relationes, modo quadam purissimo, & libero ab omni compositione, sive physica sive metaphysica ; & de hoc modo constitutionis loquimur, quando inquirimus, per quid natura divina, sub ratione naturæ, formaliter constitutatur?

Ex his ergo patet status questionis: inquirimus enim, per quid formaliter constituantur divina natura, strictè sumpta, & ut est eminenti quodam modo radix divinorum attributorum, à quibus virtualiter distinguitur, seu distinctione rationis per modum expliciti & impliciti, qualiter ens distinguitur à suis proprietatibus & modis.

Circa quam difficultatem, tam varie opinantur Authores, & in tot dividuntur sententias, ut tam multiplex opinandi, & sentiendi diversitas, D vix possit in ordinem redigi: omnes tamen sententias, claritatis gratia, ad quatuor vel quinque reducimus.

Prima ponit distinctionem virtualem in Deo inter essentiam divinam, sub conceptu essentiæ, & sub conceptu naturæ; & sub priori ratione vult divinitatem constitui per conceptum entis à se, vel substantiam immaterialis per essentiam: sub posteriori vero, per intelligere divinum, ut habeat pro objecione essentiam divinam à ratione distinctionem. Ita Petrus Corneio Ordinis Carmelitarum, infra quest. 14. quem aliqui ex recentioribus Thomistis sequuntur.

**E** Secunda existimat naturam divinam consti-  
tui per infinitatem, seu per cumulum omnium  
perfectionum quæ sunt in Deo. Ita Scotus in i,  
dist. 3, quæst. 1. ejusque Discipuli ibidem.

Tertia naturam & quidditatem Dei docet consistere, in eo quod sit ens à se, & per essentiam, Pro qua sententia citatur ex Thomistis Capreolus, Bannez, & Ledesma: & ex extraneis, Molina, Vazquez. & Granado.

Quarta denique contendit essentiam seu naturam Dei, constitui per gradum intellectivum, utpote perfectissimum ex tribus qui admittuntur naturarum constitutivi, nempe esse, vivere, &

## 50 DISPUTATIO SECUNDA

intelligere. Sed Authores hujus sententiae, adhuc inter se pugnant & discordant. Aliqui enim contendunt, naturam divinam constitui per radicem intelligendi; alij vero per ipsum intelligere purissimum & actualissimum, ut est per se subsistens in ordine intellectuali, & ultima hujus ordinis actualitas. Pro prima parte stant Curiel, Arrubal, & Philippus à S. Trinitate, aliique recentiores. Secunda vero adhaerent ex Thomistis Nazarius, Gonzalez, Salmanticenses, Joannes à S. Thoma; & ex Patribus Societatis Suarez, Herice, & Hurtado: quibus adjungi potest Isambertus infra quest. 14. art. 5. ubi docet actualē intellectiōnēm per essentiām, ita esse divinā essentiā constitutivā, ut sit ultima ejus ratio & differentia.

## §. II.

*Rejicitur distinctione virtualis inter essentiām diuinā, sub conceptu essentiāe, & sub conceptu naturae.*

**S**ixtū. **N**otandum primō: Perfectiones quae sunt in rebus creatis, duobus modis posse distingui inter se: primō ex genere suo, sive ex propria ratione formalī; secundō ex potentiatate, seu limitatione creaturæ. Tunc distinguntur primo modo, quando pertinent ad diversas lineas; id est quando diversa objecta formalia respiciunt, ut intellectus & voluntas, scientia & amor, iustitia & misericordia: differunt vero secundo modo, quando licet pertineant ad eandem lineam, & habeant idem objectum formale, subiectum tamen in quo sunt, cum sit finitum & limitatum, non est tantæ perfectionis, ut possit sibi identificare suam ultimam actualitatem. Quo pacto distinguntur in rebus creatis, essentiā & existentiā, intellectus & intellectio, voluntas & volitio.

**6.** Notandum secundō: Quod ut aliquæ perfectiones vel rationes, in Deo virtualiter distinguntur, non satis est quod illæ æquivalent pluribus rationibus vel perfectionibus, in rebus creatis realiter aut virtualiter distinctis: sed necessariò requiritur, quod illa plura ex genere suo sint diversa, & ad diversas lineas pertinentia. Unde quia in rebus creatis, essentiā & existentiā, intellectus & intellectio, voluntas & volitio, non differunt ex genere suo, nec pertinent ad diversas lineas, cum non habeant diversa objecta formalia, in Deo non distinguntur virtualiter, sed solā distinctione rationis, desumptā ex ordine ad creaturas, & ex modo concipiendi res divinas, per analogiam ad res creatas. Ratio autem fundamentalis, ob quam ad distinctionem virtualē divinarum perfectionum requiritur quod illæ æquivalent pluribus ad diversas lineas pertinentibus, redditur à Salmanticensibus Tract. 4. de volunt. Dei disp. 2. dub. 1. in fine: quoties enim una formalitas præstat propria plurimi unius linea, non æquivalent illis ut pluribus, sed ut unum sunt, & quatenus spectant ad illam lineam: secūs vero quando æquivalent pluribus, ut ad distinctas lineas pertinentibus, ac proinde hæc æquivalentia virtutis arguit multiplicatam virtualem, non vero illa prior. Unde licet intellectus divinus æquivalent omnibus intellectibus creatis, non ideo est virtualiter multiplex, quia omnes illi pertinent ad eandem lineam. E contra vero quia simplicissima formalitas divinæ essentiæ & relationis, æquivalent ei-

A sentiæ creatæ & ejus relationibus (quæ duo in creaturis per se pertinent ad diversas lineas) ideo relations in divinis, virtualiter distinguuntur ab essentiā. His præsuppositis.

Dico primo: Naturam & essentiam in Deo non distinguit virtualiter, ac proinde non esse illis assignanda diversa constitutiva virtualiter distincta.

Probatur primō: Ut enim exposuimus in secundo notabili, ea solū virtualiter distinguntur in Deo, quæ æquivalent pluribus, quæ ex genere suo, & ex propria ratione formalī, in rebus creatis, distinguntur: Sed ratio essentiā & naturae, non distinguntur in rebus creatis ex genere suo, sed tantum ex limitatione & potentiatate creaturæ: Ergo in Deo non distinguntur virtualiter. Minor probatur: idcirco enim in rebus creatis, essentiā virtualiter distinguitur à natura, quia essentiā, quamvis actuata per esse, adhuc concipiatur, & est in potentia ad operationem, ex eo quod non est actus purus, sed potentiatilitati admixtus: unde si essentiā rei creatæ tantæ esset actualitatis & perfectionis, ut semper esset actus operans, & non posset quando est existens, esse vel concipi in potentia ad operationem, tunc in ea non posset cum fundamento in re, distingui virtualiter essentiā & natura. Cum ergo Deus sit actus purus, non solū in ordine entitativi, sed etiam intelligibili & operativo, & substantia ejus tanta sit puritatis & actualitatis, ut non possit esse, vel concipi cum potentia ad existentiam, vel ad operationem, nullum potest in eo esse fundamentum, ad ponendam distinctionem virtualem inter ejus essentiā & naturam.

Confirmatur: In Deo concipi debet major puritas & simplicitas, quam in rebus creatis: At in illis non reperitur distinctione realis, sed tantum virtualis inter essentiā & naturam, ut docent Philosophi in libris de Anima: Ergo in Deo admitti non debet distinctione virtualis inter ejus essentiā & naturam.

D. Probatur secundō conclusio: Si in Deo natura & essentiā distinguerentur virtualiter, daretur in illo unitas quædam per accidens, saltem formaliter: Sed hoc repugnat divinæ simplicitati & puritati: Ergo &c. Sequela Majoris probatur: cum enim essentiā respiciat existentiam tanquam ultimam actualitatem ordinis entitativi, & natura intellectualis ipsum intelligere, tanquam proprium & ultimum ordinis intellectualis actum, si in Deo essentiā & natura virtualiter distinguerentur, etiam esse & intelligere, seu existentia ordinis entitativi & intelligibilis, eadem distinctione virtuali inter se differrent; ac proinde non facerent in Deo unum per se formalissimè, sed unum tantum per accidens. Sicut enim ex duabus existentiis realiter distinctis non potest fieri unum realiter & identicè, ut demonstratur in Philosophia; ita ex duabus existentiis virtualiter distinctis, non potest fieri unum per se formalissimè, sed unum per se identicè tantum. Unde in Tractatu de Trinitate ostendemus, relationes divinas non habere propriam existentiam, virtualiter distinctam ab existentia absoluta divina essentiæ, quia alias non facerent unum per se formaliter cum essentiā divina.

Denique probatur conclusio: Si ratio naturæ intellectualis, esset virtualiter distincta ab essentiā Dei, sub conceptu essentiā, radicaretur in illo: Sed hoc admitti non potest: Ergo nec virtu-

# DE NATVRA ET QVIDDITATE DEI.

st

lis: illa distinctione. Sequela patet: nam ideo attributa radicantur virtualiter in essentia, quia ab illa virtualiter distinguntur, & Deo ratione essentiae convenientiunt: Sed conceptus naturae, iuxta istum modum dicendi, virtualiter distinguitur a conceptu essentiae, & Deo convenit ratione illius: Ergo radicatur virtualiter in essentia. Minor autem probatur, si enim in essentia radicatur natura: Ergo pro priori ad conceptum naturae, salvatur in essentia conceptus radicis, & consequenter ratio naturae. Haec secunda: Consequentia patet, nam ratio naturae idem est quod ratio radicis. Prima autem probatur: essentia non constituit radix conceptus naturae, per ipsum conceptum naturae, sicut causa nequit per effectum constitui: Ergo si essentia est radix naturae, intelligitur constituta in ratione radicis, pro priori ad conceptum naturae.

## §. III.

*Impugnatur sententia Scoti.*

10. **D**ico secundò: naturam divinam non constituit formaliter per infinitatem, vel per cumulum omnium perfectionum quae sunt in Deo.

Probatur conclusio multipliciter. Primò quia infinitas in Deo, non importat naturam, sed potius modum naturae: Ergo illam non constituit. Consequentia patet, modus enim non constituit rem quam modifcat, sed illam supponit constitutam. Antecedens vero probatur: tum quia infinitas importat solum, modum habendi aliquam perfectionem sine termino & fine. Tum etiam quia infinitas se habet respectu Dei, sicut finitas respectu creaturae: Sed in creatura finitas non est natura, sed modus naturae: Ergo & infinitas in Deo.

Secundò, quod est transcendens & commune divinis relationibus & attributis, non potest esse constitutivum naturae divinae: Sed infinitas in Deo est quid transcendens, & commune relationibus & attributis: Ergo divinam naturam non constituit. Major constat, quia conceptus essentiae seu naturae, formaliter quā talis est, non convenit formaliter divinis relationibus & attributis, cū ab illis virtualiter distinguantur, & sit velut illorum radix, & ratio a priori. Minor vero probatur: scientia in Deo, ejusque amor, & potentia, intra propriam lineam sunt infinita, sicut & paternitas, ac filatio, & spiratio activa, vel passiva: Ergo infinitas in Deo est quid transcendens, & commune relationibus & attributis.

Tertiò, natura divina non est demonstrabilis per aliquam rationem a priori, sed potius est ratio a priori, per quam omnia attributa demonstrantur: Atqui infinitas a priori demonstratur, probat enim D. Thomas infra quest. 7. art. 1. Deum esse infinitum, quia esse divinum non est receptum in aliquo, sed per se subsistens: Ergo infinitas Dei non potest esse ejus quidditas seu natura.

Quartò, innascibilitas non est substantia Dei, quoniam privativum nomen est, ut arguit D. Basilius libro 1. contra Eunomium: Sed etiam infinitas videatur esse nomen privativum, denotat enim solum carentiam termini, seu finis: Ergo similiter infinitas non est quidditas seu substantia Dei, sed inter attributa negativa numeratur.

Denique, si ad constitutionem divinæ naturæ,

*Tom. I.*

A concurrerent omnes perfectiones simpliciter simplices, & illa formaliter confisteret in cumulo omnium perfectionum quae sunt in Deo, tam bene concurreret ad constitutionem divinae naturae velle, quām intelligere: Sed hoc dici nequit: Ergo nec illud. Sequela Majoris patet, Minor probatur dupliciter. Primò quia voluntas, cū sit inclinatio consequens ad naturam, necessariò debet eam supponere constitutam, ac proinde ad ejus constitutionem concurrere nequit. Secundo quia si velle divinum concurreret ad constitutionem divinae naturae, sicut intelligere, Spiritus Sanctus ex vi sua processionis, divinam naturam recuperet, sicut Verbum, ejusque processio non minus esset generatio, quām productio Verbi: quod est contra fidem, ut dicemus in Tractatu de Trinitate.

## §. IV.

*Refellitur tertia Sententia.*

**D**ico tertio: Natura Divina propriè & strictè sumpta, & quatenus est eminenti quodam modo radix divinorum attributorum, non constituitur per esse à se, seu per rationem entis increati, & per essentiam, sed tantum natura divina largè sumpta, & quatenus dicit ipsam substantiam, & entitatem increatam Dei, communem naturae, relationibus, & attributis, & in illo transcendentaliter inclusam.

Probatur primò: quia ut docet D. Thomas infra quest. 13. art. 11. licet hoc nomen, *Qui est*, sit magis proprium nomen Dei, quam hoc nomen, *Deus*, quantum ad id à quo imponitur: nam hoc nomen, *Deus*, imponitur ab universalis providentia, quae cū actum liberum importet, magis distat ab essentia divina, quām existentia vel esse Dei, à quo imponitur nomen qui est. *Sed quantum id ad quod imponitur nomen ad significandum, est magis proprium hoc nomen Deus, quod imponitur ad significandam naturam divinam*, inquit ibidem S. Doctor: At si esse vel existentia Dei, esset ejus essentia, hoc esset falsum, nam ut docet ibidem in corp. articuli, nomen *qui est*, significat ipsum esse: Ergo &c.

Probatur secundò conclusio ratione fundamentali. *Esse à se*, seu ratio entis increati & per essentiam, inventur in omni attributo, & persona divina, & in omni eo quod divinum est: sicut ratio entis creati, & per participationem, includitur in omni eo quod creatum est. Ergo non potest iste conceptus entis à se, seu per essentiam, discernere in Deo id quod est natura, ab eo quod est attributum, vel persona, aut operatio: sed solum id quod est divinum in genere, ab eo quod est creatum. Cū ergo secundum Philosophos, idem sit constitutivum & distinctivum rei, evidens est quod esse per se, seu ratio entis per essentiam, non potest constituere naturam divinam strictè sumptam, & quatenus est radix attributorum, sed solum essentiam seu naturam divinam impropiè & largè sumptam, & quatenus importat substantiam & entitatem incretam, a creaturis distinctam, & transcendentaliter se habentem ad divina attributa & relationes. Unde D. Thomas infra quest. 13. art. 11. & in 1. dist. 8. quest. 1. art. 1. in corp. & in resp. ad 4. docet ex Damasceno, quod hoc nomen, *Qui est*, non significat quid est Deus, sed quoddam pelagus substantiae infinitum, quasi non determinatum: id est aliquid indifferens & quasi trans-

G ij

cendens in ordine increato, & commune ipsi naturae, relationibus, & attributis.

**13.** Confirmatur & declaratur vis hujus rationis, hoc exemplo. Sicut homo duplice considerari potest, primò quatenus est ens creatum, & sub hac ratione constituitur per rationem entis ab alio, & participati; secundò formaliter quatenus est homo, & quadam species animalis, & sub hac ratione non constituitur per rationem entis ab alio, & participati, quæ transcendentaliter includitur in omni ente creato, sed per rationalitatem, per quam distinguitur ab aliis animalibus, & quæ est radix risibilitatis, virtutis admirativa, & aliarum proprietatum humanæ naturæ. Ita similiter substantia seu natura divina, duobus modis considerari potest: primò quatenus est ens increatum, à creaturis distinctum, & sub hac ratione concedimus illam constitui per rationem entis à se, & per essentiam: secundò formaliter, quatenus est natura, & radix divinorum attributorum, & sic dicimus illam non constitui per rationem entis à se & per essentiam, cum talis ratio sit transcendens, & communis essentiæ, relationibus, & attributis.

**14.** Tertiò probatur conclusio: quando Adversarij dicunt quod esse à se est constitutivum naturæ divinae: vel per ly *esse à se*, intelligunt non esse ab alio tanquam à causa, vel tanquam à principio: Neutrū dici potest: Ergo esse à se divinam naturam non constituit. Minor probatur quantum ad primam partem: quia non esse ab alio tanquam à causa, convenit non solum naturæ divinae, sed etiam attributis, & personis, & omni quod divinum est, cum in Deo nihil possit esse causatum; ac proinde non esse ab alio in hoc sensu, non potest esse constitutivum naturæ divinae, nec distinctivum illius à relationibus & attributis. Probatur etiam quantum ad secundam partem: quia si non esse ab alio tanquam à principio, est ratio constitutiva naturæ divinae, illa non conveniret Filio, nec Spiritui Sancto: cum Filius habeat esse à Patre, & Spiritus Sanctus à Patre & Filio, tanquam à principio, ut docetur in Tractatu de Trinitate.

**15.** Denique conclusio studier potest hoc discursu: natura divina formaliter constituitur per gradum intellectivum: Ergo non potest formaliter constitui, per rationem entis à se, & per essentiam. Consequens patet, Antecedens probatur. Natura divina constitui debet per gradum perfectissimum, ex tribus qui admittuntur naturalium constitutivi: scilicet esse, vivere, & intelligere. Sed gradus intellectivus est omnium perfectissimus, cum per illum constituantur perfectiores creature universi, natura scilicet Angelica, & Humana: Ergo per talem gradum natura divina constituitur.

Confirmatur: homo dicitur ad imaginem Dei factus, ex eo quod participat intellectualitatem divinam, & Verbum dicitur simile in natura Patri, ejusque Filius, quia procedit per viam intellectus: Ergo natura divina constituitur per gradum intellectivum. An verò constituitur per intellectualitatem radicalem, vel per ipsummet intelligere actuale, §. sequenti dicemus.

## §. V.

Rejicitur etiam quarta sententia, & ultima prefertur, & explicatur.

**D**ico quartò, naturam divinam non consti-tui per intellectualitatem radicalem, aut per proximam vim intelligendi, sed per ipsum intelligere actuale.

Probatur ratione fundamentali: natura divina, cum sit actus purus, & omnis potentialitas expers, constitui debet modo purissimo & actualissimo, ac remoto ab omni potentialitate & defectu: Ergo debet constitui per ipsum intelligere actualissimum, non verò per intellectualitatem radicalem, aut per vim proximam intelligendi. Consequens patet, nam vis intellectiva, vel radix intelligendi, est quasi potentialis ad actum intelligendum, & concipiatur per modum actus primi, non verò per modum ultimæ actualitatis, sicut ipsum intelligere.

**17.** Confirmatur & declaratur vis hujus rationis, & simul præcipuum Adversariorum fundamen-tum convellitur. In Deo non potest concepi cum fundamento in re intellectualitas per modum principij radicalis, vel per modum potentiae, & actus primi, in ordine ad intelligere per modum actus secundi: Ergo natura divina non potest constitui per vim intelligendi, sive radicalem, si-vé proximam. Consequens patet, Antecedens probatur. Non potest constitui conceptus aliquis in Deo, cum fundamento in re, quantumcumque præcisus, nisi in ea præcisione ingrediatratio actus puri, & excludatur omnis umbra potentialitatis, & actus primi: Sed in conceptu intellectualitatis radicalis, aut vis proximæ intelligendi, non ingreditur ratio actus puri, neque excluditur omnis umbra potentialitatis: Ergo talis conceptus non potest in Deo admitti. Minor probatur: actus purus formalissimi est actus summus, & ultra quem non est alia actualitas imaginabilis in illo genere & linea in qua est actus purus: Sed intellectualitas radicalis, aut vis proxima intelligendi, non sunt actus summi & ultimi ordinis intellectualis, sed ulterius in linea intelligendi est ipsum intelligere, quod est actus ultimus & perfectissimus: Ergo in conceptu intellectualitatis radicalis, aut virtutis proxima intelligendi, non ingreditur formalissima ratio actus puri, neque ab eo excluditur omnis potentialitas.

Confirmatur amplius: si in linea intelligendi dividamus virtualiter duos conceptus, unum qui antecedat intelligere, ut est actus secundus, & qui constituit naturam divinam; alterum qui sit ipsum intelligere, & qui se habeat per modum operationis, à tali natura intellectuali proceden-tis: de illo primo sic præciso & distincho, inqui-ro an intelligatur ut actus purus in genere intelligendi, vel non? Si secundum, nondum intelligitur ut constituens naturam divinam, in cuius conceptu debet ingredi formaliter ratio actus purissimi. Si primum: Ergo iam ibi relucet ipsum intelligere in actu secundo, & sic impossibile est cum fundamento in re concepire in Deo vim radicalem vel proximam intelligendi, quæ sit prior intellectione, & quæ antecedenter se habeat ad ipsum intelligere; ac proinde primus conceptus divinitatis, & ratio constitutiva naturæ in Deo, hoc ipso quod incipit à ratione actus puri, incipi-debet ab ipso intelligere actuali, ut magis

# DE NATVRA ET QVIDDITATE DEI.

53

constabit ex dicendis art. 3. ubi ostendemus, non esse admittendam in Deo potentiam intellectivam, virtualiter ab intellectione essentiali distinctionem.

19. Dico quinto: intelligere divinum, sub conceptu seu formalitate operationis, divinam naturam non constituit.

Probatur primò conclusio ex D. Thoma quest. 1. de potentia art. 1. ad 1. ubi sic ait: *Eft autem de ratione operationis habere principium, non de ratione effentiæ; unde licet effentia divina non habeat aliquid principium, neque re, neque ratione, tamen operatio divina habet aliquid principium secundum rationem.* Quibus verbis insinuat rationem fundamentalē nostrā conclusionis, quae sic potest proponi. Id in quo conficit rei cuiuscumque essentia, nihil omnino presupponit in illa: Sed intelligere divinum, sub conceptu, seu formalitate operationis, presupponit aliquid prius in Deo, secundū nostrū modum concipiendi: Ergo sub hac ratione & formalitate, non constituit naturam divinam. Major constat, essentia enim seu natura, est id quod primò concipitur in re. Minor vero probatur: cùm enim intellectio, ut haber rationem operationis, sit vel concipiatur, ut emanatio quādam à principio intelligentie, secundū nostrū modum concipiendi, presupponit principium vitale & intelligens à quo egreditur: unde C sicut in conceptu relationis includitur ratio *ad*, seu habitudo ad terminum, ita & in ratione actionis, ut talis est, includitur ratio *ab*, & ordo ad principium à quo procedit.

20. Confirmatur: sicut enim licet existentia & essentia identificantur in Deo sine distinctione virtuali, existentia tamen prout eminenter formaliter habet rationem termini naturæ divinæ, eam non constituit, sed supponit, secundū nostrū modum concipiendi: ita similiter, quamvis intelligere divinum sit Dei essentia, & natura, ejusque operatio, intellectus, species &c. quia tamen sub ratione operationis, concipiatur ut egrediens à principio intelligentie, secundū D modum nostrū concipiendi illud presupponit, ac proinde ut sic non constituit formaliter naturam divinam: sicut etiam eam non constituit, ut haber rationem intellectus, & speciei intelligibilis.

Probatur secundò: beatitudo Dei constituit in intelligere, ut dicit operationem: sicut docet D. Thomas infra quest. 26. art. 2. At Dei beatitudo, non est nostro modo intelligendi Dei essentia, sed ejus attributum: quare idem S. Doctor ibidem ad 1. ait, *Beatitudinem non convenire Deo secundum rationem essentiæ, sed magis secundum rationem intellectus.* Ergo intelligere divinum, sub conceptu & formalitate operationis, divinam naturam non constituit.

21. Dico ultimo: intelligere divinum, sub conceptu formalí ultimæ actualitatis completae, & per se subsistens in genere intellectuali, esse constitutivum formale essentiæ, vel naturæ divinæ.

Probatur primò ex D. Thoma infra quest. 18. art. 2. ad 1. ubi ait: *Sentire & intelligere & huiusmodi, quandoque accipiuntur pro quibusdam operationibus, quandoque autem pro ipso esse sic operantium.* Ergo ex D. Thoma intelligere in Deo, non solum habet rationem operationis, sed etiam est ipsum esse, seu essentia Dei operantis.

22. Probatur secundò: constitutivum naturæ divi-

næ ( ut supra ostendimus ) debet pertinere ad gradum intelligendi, cùm ille sit perfectissimus ex tribus qui admittuntur naturarum constituti-

vi: Sed nihil aliud ex his quæ pertinent ad talem gradum, potest formaliter constitutere naturam divinam, præter ipsum intelligere purissimum, actualissimum, & per se subsistens: Ergo in eo formaliter consistit divina natura. Minor probatur: ad gradum intellectivum in Deo, pertinet primo ratio substantiae immaterialis per essentiam, & radicaliter intellectivæ; secundo vis proxima intelligendi, seu intellectus proxime intellectivus: tertio species; quartò ipsum intelligere ut habet rationem operationis, & prout concipiatur ut quædam emanatio à principio intelligentie; & denique idem intelligere, ut est actus purissimus & per se subsistens in ordine intellectuali: Sed nullum ex his, præter ultimum, potest habere formaliter rationem essentiæ seu naturæ in Deo: Ergo &c. Minor probatur: ut enim supra ostendimus, ratio substantiae immaterialis, & radicaliter intellectivæ, sicut & vis proxima intelligendi, non exprimit summam actualitatem in Deo, nec ab eo excludunt omnem umbram, & vestigium potentialitatis, sed concipiuntur per modum actus primi proximi vel radicalis. Similiter species intelligibilis concipiatur per modum principij complectens, & secundantis in actu primo potentiam ad intelligentiam. Item intelligere sub conceptu & formalitate operationis, supponit aliquid prius in Deo, secundū nostrū modum concipiendi, ut jam exposuimus: Ergo cùm natura divina debeat constitui per modum actus purissimi, & esse id quod primò concipiatur in Deo, hæc omnia non confluirunt formaliter naturam divinam, sed ipsummet intelligere purissimum, actualissimum, & per se subsistens, quod exprimit summam illius ordinis perfectionem & actualitatem, & est id quod primò in Deo concipiatur: nomine enim Dei, concipiimus intelligentiam purissimam & actualissimam, quæ semper sit in actu secundo intelligendi, & à qua excludatur omnis umbra, omneque vestigium potentialitatis, & defectus: unde sicut interroganti quid sit Humanitas? respondebitur, natura rationalis; ita quærenti quid sit Deitas? rectè respondebitur, natura summa, perfectissima, & actualissima intellegens.

Confirmatur & magis illustratur hæc ratio: cùm natura divina sit perfectissima, & actus purissimus, debet constitui per gradum omnium perfectissimum, & per id quod in illo majorem exprimit actualitatem: Sed gradus intellectivus est omnium perfectissimus, & intelligere est id quod majorem intra illum exprimit actualitatem; imo est ultima ejus actualitas, & se haber in ordine intelligibili, sicut existentia in ordine entitativo, ut docet D. Thomas i. contra Gentes cap. 45. ratione 2. ubi ait quod *intelligere comparatur ad intellectum, sicut esse ad essentiam.* Ergo natura divina per ipsum intelligere constituitur.

Probatur tertio ratione defumpta ex D. Thoma infra quest. 27. art. 6. Per illud constituitur formaliter natura divina, quod Verbum Divinum recipit ex vi sua processionis: Atqui recipit ipsum intelligere purissimum & actualissimum: Ergo illud est naturæ divina constitutivum. Major patet, quia Verbum Divinum per id quod formaliter recipit à Patre ex vi sua processionis,

G iiij

constituitur Filius; ut docent Theologi in materia de Trinitate: non potest autem constitui Filius, nisi per communicationem naturae: Ergo &c. Minor autem probatur: secunda persona Trinitatis procedit per modum Verbi: Sed esse Verbi, cum sit terminus intellectus, nihil aliud est quam intelligi, sive existere per ipsum intelligere: Ergo Verbum Divinum recipit ipsum intelligere, ex vi sua processionis,

Confirmatur: D. Thomas loco citato probat processionem Verbi Divini esse generationem, quia in Deo idem est esse & intelligere; unde cum per processionem Verbi communicetur formaliter intelligere, communicatur etiam formaliter & esse, seu natura divina; & cum communicatio formalis natura sit generatio, processio Verbi erit generatio. Sed haec ratio D. Thomae, nisi supponeret quod intelligere sit formaliter esse, seu natura Dei, non magis probaret processionem Verbi esse generationem, quam processionem Spiritus Sancti; cum velle Dei, ex quo procedit Spiritus Sanctus, sit identice ipsa natura divina, & ab ea virtualiter tantum distinguatur, sicut alia attributa: unde si sola identitas realis divini intelligere cum esse, seu natura Dei, sufficeret ad rationem generationis, non minus processio Spiritus Sancti esset generatio, quam processio Verbi: Ergo D. Thomas supponit ipsum intelligere esse Dei essentiam seu naturam.

## §. VI.

## Solvuntur objectiones.

26.

**O**bjectiones primò contra primam conclusionem: D. Thomas 1. p. quest. 39. art. 2. ad 3. sic ait: *Quia natura designat principium actus, essentia verò ab effendo dicitur, possunt dici aliqua unius naturae, que convenienter in aliquo actu, sicut omnia calefacientia, sed unius essentiae dici non possunt, nisi quorum est unum esse.* Et ideo magis exprimitur unitas divina, per hoc quod dicitur quod tres personae sunt unius essentiae, quam si diceretur, quod sunt unius naturae. Quibus verbis S. Doctor videtur ponere distinctionem virtualem inter essentiam & naturam divinam, & docere quod unitas in essentia dicit in divinis maiorem identitatem, quam unitas in natura.

Respondeo D. Thomam ibi usurpare naturam impropriè, & in ampla quadam significacione, in qua solum illa dicuntur esse ejusdem naturae, quibus correspondent actiones ejusdem rationis: sive illarum principia distinguuntur essentia-liter, ut in sole & igne respectu calefactionis, sive non, ut in duobus ignibus calefacientibus. Quia ergo unitas in natura, potest in hac ampla acceptione sumi, unitas vero in essentia, solum dicitur respectu coram qua habent idem esse, propterea D. Thomas dicit, quod magis exprimitur unitas divina, per hoc quod dicitur, quod tres Personae sunt unius essentiae, quam si dicatur, quod sunt unius naturae.

Secundo responderi potest, D. Thomam ibi solum statuere distinctionem virtualem in rebus creatis inter essentiam & naturam: in divinis vero solum distinctionem rationis, qua peritur ex parte conceptus formalis, & ex modo nostro concipiendi res divinas per analogiam ad res creatas, in quibus natura & essentia virtualiter distinguuntur.

A Objecies secundò contra eandem conclusionem: illa distinguuntur virtualiter in Deo, quæ equivalent pluribus realiter, aut virtualiter distinctis in rebus creatis: Sed in creaturis natura & essentia virtualiter saltem distinguuntur, ut docent Philosophi in libris de Anima: Ergo & in Deo.

Respondeo distinguendo Majorem: que æquivalent pluribus distinctis in rebus creatis, si illa distinguuntur ex genere suo, vel ex propria ratione formali, concedo: si distinguuntur solum ex limitatione & potentialitate creature, nego.

Explicatur: ex duplice capite possunt aliquæ perfectiones in rebus creatis realiter aut virtualiter distinguiri, scilicet ex propria ratione formali, sicut relations mutua, propter oppositionem quam habent, realiter inter se distinguuntur. Et ex limitatione & potentialitate creature, quo pacto intellectus & intellectio, essentia & existentia, singularitas & ratio specifica, realiter aut virtualiter in creaturis distinguuntur. Sicut ergo constat in his exemplis, quod talis distinctione realis aut virtualis, non habet locum in Deo, eo quod illa non oriatur ex propria ratione formali illarum rerum, sed ex earum limitatione & potentialitate. Ita similiter, cum distinctione virtualis que est in rebus creatis inter essentiam & naturam, funderetur in sola limitatione & potentialitate creature (ut supra ostendimus) illa non reperitur in Deo, sed haec duas rationes in eo distinguuntur solum per analogiam ad creaturas, & ex modo nostro concipiendi res divinas, per similitudinem & habitudinem ad res creatas.

Objecies tertio contra secundam conclusionem. Illa est formalis ratio quidditatis & essentiae divinae, quæ est incommunicabilis creaturis: At sola infinita in Deo est incommunicabilis rebus creatis: Ergo illa sola est formalis ratio quidditatis & essentiae Dei. Major videtur manifesta: illud enim debet esse constitutivum essentiale rei, quod est ejus distinctivum, & quod nullatenus ceteris competit. Minor etiam non est minderata: nam esse, vivere, intelligere, & aliae perfectiones simpliciter simplices, communicantur creaturis: sola autem infinita non communicatur, nec communicabilis est: Ergo &c.

Confirmatur: si essentia & quidditas divina, non consistet in infinite, Deus non esset per se primò & essentialiter infinitus: sicut quia essentia hominis non consistit in risibilitate, homo non potest dici per se primò & essentialiter risibilis: Sed hoc videtur absurdum, ac derogans summam Dei perfectioni: Ergo &c.

Ad objectionem respondeo negando Majorem: ratio enim in qua consistit essentialiter natura divina, debet esse participabilis à creatura, diminutè saltem & inadæquatè: nam ens per essentiam ex sua ratione haberet, posse se communicare entibus per participationem; & ipsa gratia sanctificans, est diminuta quedam & inadæquata participatio divina naturæ: quare ex eo quod infinita sit incommunicabilis creaturis, non sequitur eam esse Dei naturam & quidditatem; sed potius modum quendam naturæ divinae, ei proprium, & alii naturis incommunicabilem. Unde ad illud quod dicitur in contrarium, distinguo Majorem: illud est constitutivum rei, quod est ejus distinctivum ab aliis, tanquam ratio specifica, & differentialis, concedo: tanquam modus illi proprius, & aliis incommunicabilis, nego.

27.

28.

29.

## DE NATVRA ET QVIDDITATE DEI. 55

**A**d confirmationem nego sequelam Majoris: ut enim Deus dici possit per se primò & essentia-  
liter infinitus, sufficit quod infinitas concipiatur  
ut modus divinae naturae, in ea transcendentaliter  
imbibitus, & ab ea impræscindibilis: sicut ad  
hoc ut creatura dicatur, & sit intrinsecè & essen-  
tialiter finita, sufficit finitatem esse modum ejus  
naturae, ab ea inseparabilem.

**g.** **O**bijecies quartò contra eandem conclusionem: Ens infinitè perfectum debet includere in suo con-  
ceptu quidditativo omnes perfectiones simpliciter  
simplices: Sed natura divina est infinite perfecta: Ergo debet essentialiter includere cum-  
lum omnium perfectionum quæ sunt in Deo, ac  
proinde constitui per infinitatem.

Respondeo distinguendo Majorem: ens infinite perfectum, debet includere in suo conceptu quidditativo omnes perfectiones simpliciter simplices, explicitè vel implicitè: concedo Majorem; explicitè, nego Majorem, & concessa Minor, di-  
stinguo Consequens distinctionem Majoris.

Dices, Ens infinite perfectum debet includere in suo conceptu omnes perfectiones simpliciter simplices, perfectissimo modo: Sed perfectius est eas continere explicitè, quam solùm implicitè: Ergo non solùm implicitè, sed etiam explicitè, eas continere debet.

Respondeo distinguendo Majorem: Debet eas continere modo perfectissimo, quem petit aut patitur natura divina, concedo Majorem: quem natura divina non petit, aut non patitur, nego. natura autem divina, ut talis est, non petit, nec patitur aliud modum continendi divina attributa, quam implicitè & radicaliter, quia natura, ut natura est, se habet, vel concipitur, per modum radicis, seu principij, saltem virtualis, suarum proprietatum, subindeque in suo conceptu illas, explicitè saltem, non includit, sed radicaliter tantum & implicitè.

**g.** **O**bijecies quintò contra tertiam conclusionem: Illud est constitutivum naturae divinae, quod Deus suam naturam & quidditatem declarans, expref-  
fit in sacra Scriptura: Sed Deus in Scriptura sacra suam quidditatem & naturam declarans Moysi, Exodi 3, non aliter eam expressit, quam per hoc quod est ipsum esse, & ens per essentiam, dixit enim, *Ego sum qui sum, & qui est misit me ad vos: five ut habet versio Graeca, εγώ εἰμί ὁ Θεός: id est, ego sum ipsum ens.* Quæ verba ponderans D. Hilarius libro 2. de Trinitate, hac scribit: *Admiratus sum tam absolutum Dei significacionem, quā Naturae Divinae incompre-  
hensibilem cognitionem, aptissimo ad intelligentiam humanae sermonem loqueretur. Non enim aliiquid magis proprium Deo, quam esse intelligi-  
tur: quia id ipsum quod est, neque desinentis est aliquando, neque cepti.*

Accedit etiam D. Thomas, qui variis in locis docet quod esse, est essentia, seu quidditas Dei. Et 1. part. quast. 13, art. 11. affirmit nomen, *qui est*, propriissimum esse inter omnia divina nomina, sicut & nomen illud ineffabile Tetragrammaton יהוה, quod Iudæi pronuntiare non audebant: eo quod ab ipsis haberetur sacratissimum, utpote nomen Dei primarium & essentiale, radixque omnium aliorum nominum; illud enim deducitur à radice Hebraica יהה *Kah*, que idem valet, aœst, de quo videri potest noster Malvenda Exodi 3.

Confirmatur: Illa ratio est constitutiva natu-  
rae divinae, quæ exprimit majorem perfectio-

nem & actualitatem: Sed esse, cùm sit magis ab-  
stractum & illimitatum, quam intelligere, ex-  
primit majorem perfectionem & actualitatem:  
Ergo naturam divinam constituit.

Confirmatur amplius: Esse à se, seu esse in-  
creatum, prius est quam intelligere: Ergo cùm  
natura sit id quod primò concipiatur in re, esse à  
se erit constitutivum naturæ divinae, non vero  
intelligere.

Ad objectionem respondeo, quod quando  
Scriptura & Patres exprimunt essentiam & quid-  
ditatem Dei per esse, seu per rationem entis per  
essentiam, loquuntur de substantia & essentia  
Dei largè sumpta, & quatenus habet rationem

**B**transcendentis increati; Deumque solūm confi-  
derant, ut ens increatum, & quatenus à creatu-  
ris distinguitur: non vero ut est intra lineam na-  
turæ, & prout divina essentia se habet ut radix  
divinorum attributorum, & ab illis virtualiter  
distinguitur, de qua solūm hic agimus. Simili-  
ter quando D. Thomas docet nomen, *Qui est*,  
esse Deo propriissimum, loquitur de Deo sub illo  
conceptu generali & transcendentali entis in-  
creati, non vero sub conceptu speciali naturæ, ut  
natura est, & radix attributorum, sub qua ra-  
tione ibidem docet, hoc nomen non significare  
ipsam naturam & quidditatem Dei, sed potius  
quoddam pelagus substantiæ infinitum: id est, ali-  
quod transcendentis in ordine increato, & com-  
mune naturæ, relationibus, & attributis, ut su-  
pra retulimus.

Ad primam confirmationem dicendum est, es-  
se per se, non exprimere majorem perfectio-  
nem, & actualitatem, quam intelligere per se  
substantia: quia licet esse sit magis abstractum,  
abstractione potentiali & univerali; id est, magis  
commune & universale, quam intelligere,  
non tamen abstractione formalis, quia non est  
magis remotum à potentialitate: sicut enim esse  
est ultimus actus ordinis entitativi, ita intelligere  
est ultima actualitas gradus intellectivi, ut docet  
Divus Thomas loco supra relato.

Ad secundam confirmationem distinguo Ante-  
cedens: esse à se, seu esse increatum, prius est  
quam intelligere, per modum transcendentis, &  
communis pradicari, concedo Antecedens: per  
modum gradus quasi differentialis naturam divi-  
nam constituentis, nego Antecedens, & Conse-  
quentiam: licet enim ens, substantia, corpus, &  
vivens, sint priora rationalitate; tamen per istam  
& non per illa, natura hominis constituitur,

### §. VII.

#### *Diluuntur argumenta quartæ sententiae:*

**E**N favorem quartæ sententiae, quæ docet na-  
turam divinam constitui per immaterialitatem,  
& intellectualitatem radicalem, plura so-  
lent proponi argumenta, quæ breviter hic pro-  
ponemus, ac diluemus.

In primis objicitur celebris authoritas D. Tho-  
mas, qui infra quæst. 14. art. 1. demonstrat Deum  
esse intelligentem, ex eo quod est immaterialis;  
Ergo ex D. Thoma, natura divina non consti-  
tuitur per ipsum intelligere actuale, sed per ra-  
tionem substantiæ immaterialis, & radicaliter  
intellectualiæ. Consequens manifesta videtur,  
natura enim & quidditas rei, est id quod primò  
in ea concipiatur, & per quod cetera demon-  
strantur.

Secundò, Natura Divina debet proportiona-

32.

33.

34.

liter constitui, sicut aliae naturae intellectuales: Sed natura Hominis, v. g. constituitur per hoc quod sit radicaliter intellectiva, intellectio humana, & natura Angeli per hoc quod sit radicaliter intellectiva intellectione Angelica, unde communiter dicitur, quod verba in definitionibus non dicunt actum, sed aptitudinem: Ergo etiam natura Dei constituit in intellectualitate radicali, non vero in ipso intelligere actuali.

Tertio, Conceptus naturae, est conceptus principij & radicis operandi; illa enim definitur primum principium motus & quietis: Ergo nisi invertamus definitionem naturae, non possumus ejus conceptum transferre in Deum, nisi constituamus naturam divinam per principium, & radicem intelligendi.

Denique: Per illud constituitur formaliter natura divina, quod participatur à gratia sanctificante; illa enim (ut suo loco demonstrabitur) est participatio formalis naturae divinae: Sed gratia, cum sit habitus quidam supernaturalis, separabilis ab actu secundo, participat tantum intellectualitatem divinam, non vero ipsum intelligere actuale, quod solum participatur à visione beata, per quam beati constituantur in actu secundo intelligentes, & videntes divinam essentiam: Ergo natura divina per intellectualitatem radicalem, non vero per ipsum intelligere actuale constituit.

Ad prium solutio constabit ex dicendis articulo sequenti.

Ad secundum, nego Majorem: cum enim natura angelica & humana sint potentiales, debent constitui per intellectualitatem radicalem, & non per ipsum intelligere actuale: natura vero divina, cum sit actus purus, & omnis potentialitatis expers, non potest constitui per vim intelligendi, sive radicalem, sive proximam, sed tantum per ipsum intelligere purissimum & actualissimum.

Ad tertium dicendum est, conceptum naturae, ut sic, & prout est analogie communis ad Deum & creaturas, esse quidem conceptum principij & radicis respectu proprietatum, quae ab illa diminant, ac proinde naturam servare etiam hunc conceptum & rationem in Deo, & esse eminenti quodam modo radicem divinorum attributorum: non tamen est de ratione naturae, ut sic, & prout est analogie communis Deo & creaturis, quod se habeat per modum principij radicalis, vel proximi ad actu intelligendum, sed hoc convenit solum naturae intellectuali creatae, ut talis est, & ratione potentialitatis, qua non habet locum in natura divina, cum sit actus purissimus.

Ad ultimum, concessa Majori, distinguo Minorem. Gratia non participat intelligere divinum, adaequatè, concedo: inadaequatè, nego.

Explicatur: Intelligere divinum, quamvis purissimum & simplicissimum, ratione tamen sue eminentiae & infinitatis; gerit in Deo diversa munera inadaequata, ratione quorum potest diversimode à creaturis participari: ut enim gerit vices virtutis intellectivæ, participatur à lumine gloriae; ut supplet rationem operationis & cognitionis, quæ Deus beatificatur, participatur per visionem beatam; ut autem habet rationem naturae, participatur à gratia sanctificante: cum enim propria ratio & conceptus naturae, constat in hoc quod sit principium motus & quietis, ac proinde radix proprietatum & potentiarum, quae sunt principia proxima operationis: ad hoc ut aliquid participet naturam divinam, ut na-

tura est, participare debet intelligere divinum, sub ea ratione quæ est radix divinarum operationum & attributorum: quo modo participatur tantum à gratia sanctificante, non vero à lumine gloriae, aut à visione beatifica: quia sola gratia sanctificans, est radix & principium, à quo fluant & emanant virtutes supernaturales & infusa, quae sunt participationes divinorum attributorum, ut ostendemus in Tractatu de Gratia.

Dip. 4  
art. 4  
§. 6,

### §. VIII.

Solvuntur argumenta contra ultimam conclusionem.

Contra ultimam conclusionem in primis art. qui potest ex autoritate D. Thoma, qui infra quest. 26. art. 2. in corp. dicit, *In Deo non est aliud esse & intelligere secundum rem, sed tantum secundum intelligentiae rationem*: Ergo ex D. Thoma intelligere in Deo non constituit naturam divinam. Consequentia patet: si enim illud esset divina naturae constitutivum, non distinguheretur virtualiter ab esse & quidditate Dei, subindeque in Deo esse & intelligere essent idem, non solum secundum rem, sed etiam secundum intelligentiae rationem.

Secundò, Natura & quidditas Dei, nihil omnino supponit prius, etiam secundum rationem, & modum nostrum intelligendi: Sed intelligere supponit aliquid prius in Deo, secundum rationem, & modum nostrum intelligendi: Ergo in eo non constituit natura & quidditas Dei. Major constat, natura enim est id quod primò concipiatur in re. Minor probatur: Intelligere in Deo, cum sit operatio, secundum modum nostrum concipiendi, supponit intelligentem, intellectum, & speciem intelligibilem: Ergo supponit aliquid prius secundum rationem.

Tertio, Intelligere divinum, saltem presupponere debet aliquid objectum virtualiter à se distinctum, à quo specificetur, & in quo conaturaliter tendat: Sed illud non potest esse aliud quām essentia, vel natura divina: Ergo intelligere in Deo supponit naturam divinam, ac proinde illam non constituit. Minor est certa, & constabit ex dicendis art. 5. Major vero probatur: Si intelligere divinum, non presupponeret aliquid objectum, à se virtualiter & ratione distinctum, haberet seipsum pro objecto, & sic non esset actus directus, sed reflexus; esset enim intelligere sui ipsius: Sed hoc videtur absurdum: Ergo &c.

Confirmatur primò: Intellectio actualis supponit objecti intelligibilitatem: Ergo intelligere divinum supponit prius saltem ratione essentiam divinam ut intelligibilem, & consequenter eam non constituit, sed supponit prius ratione constitutam.

Confirmatur secundò: Volitio non potest esse primum volibile: Ergo nec intellectio primum intelligibile, unde illa debet necessario supponere aliquid objectum ratione distinctum, in quo conaturaliter tendat. Consequens videtur legitimus ex paritate rationis: Antecedens vero docetur à Theologis cum D. Thoma i. 2. quest. 1. art. 1.

Quartò, Natura Divina debet esse radix, & ratio à priori omnium divinorum attributorum: Sed intelligere in Deo non est radix, nec ratio à priori omnium attributorum, v. g. infinitatis, eternitatis &c. non enim ideo Deus est infinitus,

aut

# DE NATVRA ET QVIDDITATE DEI. 57

**A**ut eternus, quia intelligens : Sed quia ens per essentiam, & immutabilis : Ergo natura divina non constituitur per intelligere.

Denique, Si natura Dei constitueretur per intelligere, sequeretur quod sicut peccatum continetur in divino intelligere, ita etiam continetur in natura Dei : Consequens est falsum, & repugnans sancti iusti divinæ naturæ : Ergo & Antecedens.

**39.** Ad primum respondeo, quod quando D. Thomas dicit, *Non est aliud esse, & intelligere secundum rem, sed tantum secundum intelligentiam rationem*, loquitur de distinctione rationis, quæ fundatur in nostro modo concipiendi res divinas per analogiam ad res creatas, in quibus esse & intelligere realiter distinguuntur, & unum presupponit ad aliud: non autem de distinctione rationis, qua habeat fundamentum in Deo, & qua à Theologis *virtualis* appellatur.

**40.** Sed contra hanc responsionem instari potest ex alia autoritate ejusdem S. Doctoris I. ad Annibaldum dist. 35. quæst. 1. art. 2. ad 3. ubi inquit: *Sicut intelligere est idem re cum essentia, sed differens ratione, ita & velle. Sed velle differt ab essentia divina virtualiter, & distinctione rationis fundata in re concepta, & non solum in modo nostro concipiendi : Ergo & intelligere.*

Respondeo primò: D. Thomam ibi compare intelligere cum velle, solum quantum ad genus distinctionis, in eo scilicet quod non distinguuntur realiter, sed ratione, non tamen quantum ad modum. Velle enim, cum sit quid consequens ad naturam, & pertinens ad diversam linam, distinguitur virtualiter ab illa: intelligere vero, cum sit constitutivum naturæ, ab ea solum distinguitur, distinctione rationis ratiocinantis, & ex parte conceptus formalis, non objectivi.

Secundò dici potest, D. Thomam in eo loco non loqui de intelligere essentiali, & constitutivo naturæ, sed de scientifico, & attributali, quod virtualiter distinguitur à natura divina, sicut & velle.

Tertiò responderi potest, illum loqui de essentia divina, ut habet rationem transcendentis in creati, & significat ipsam substantiam, & entitatem increatam Dei, in qua acceptio, essentia divina virtualiter distinguitur ab intelligere, sicut & velle.

**41.** Ad secundum respondeo concedendo quod intelligere sub conceptu formalis actionis emanantis ab aliquo principio, non est natura divina formaliter, neque ratio constitutiva illius, nostro modo intelligendi, ut diximus in quinta conclusione: tamen sub conceptu formalis ultima actualitatis completa, & per se subsistentis in ordine intellectuali, est ratio constitutiva divinæ naturæ, ut in ultima conclusione ostendimus. Et in hoc sensu usurpat D. Thomas intelligere infra quæst. 14. art. 4. cum ait, quod *intelligere Dei est eius substantia*, ut patet ex his que dicit in eodem articulo, in respons. ad 2. & 3.

Secundò respondetur, quod licet de ratione operationis finita & limitata, & quae est tantum operatio, sit praesupponere principium à quo egreditur, non tamen de ratione operationis infinitæ & illimitata, & quae est eminenter formaliter operatio: intelligere autem in Deo infinitum est, ac illimitatum, & continet eminenter formaliter rationem operationis, species intelligibilis, & principij tam proximi,

*Tom. I.*

**A**quæ radicalis intelligendi, eo ferè modo quo anima rationalis, eminenter formaliter continet vegetativam & sensitivam: unde sicut illa in homine non solum est principium intelligendi, sed etiam vivendi, & sentiendi; ita etiam intelligere in Deo, non solum est operatio, & intellectio, sed etiam principium operans, & intelligens, intellectus, ac species intelligibilis, sine distinctione etiam virtuali, cum sola distinctione rationis, petita ex habitudine ad creaturas, & ex modo nostro concipiendi res divinas, per similitudinem & analogiam ad creatas.

**43.** Ad tertium nego Majorem: Cùm enim obiectum petat uniri intellectui, & quod perfectior est intellectus, cùm majorem cum suo objecto posset unitatem; intellectus divinus ad eum tandem gradum perfectionis, eminentia, ac simplicitatis pertinet, ut sine ulla etiam rationis distinctione (saltem virtuali, & cum fundamento in re) ipsum intelligere constitutivum, si idem cum suo objecto. Unde D. Thomas infra quæst.

14. art. 2. *Cùm Deus nihil potentialitas habeat, sed actus purus, oportet quod in eo intellectus, & intellectum, sint omnibus modis idem. Quibus verbis excludere videtur distinctionem etiam virtualis inter intelligere divinum & ejus objectum: si enim haec virtualiter inter se differrent, non possent dici esse omnibus modis idem. Ad probationem ejusdem Majoris, dicendum est, intelligere divinum eminentissimo modo esse simul reflexum, & directum: reflexum, quia est intelligere sui; directum, quia non habet aliud objectum, ad quod per se primò & connaturaliter tendat.*

Ad primam confirmationem, distingo Antecedens: Intellectio actualis supponit objecti intelligentiam in actu permixto potentia, concedo: in actu puro, & excludente omnem potentialitatem nego: de ratione enim actus puri, est non solum esse per se intelligentem in actu primo, sed etiam per se intellectum in actu secundo: ex quo inferunt Thomistæ, in visione beatifica essentiam divinam supplere non solum rationem speciei impressæ, & objecti intelligentib; sed etiam speciei expressæ, & objecti actu intellecti, seu verbi, & termini intrinseci intellectus.

Ad secundam confirmationem, concedo Antecedente, nego consequentiam & paritatem: Ratio disparitatis est, quia voluntio, cum sit inclinatio consequens ad naturam, supponit aliquid prius, nempe bonum naturæ, quod debet primò velle: secundū est de intelligere, quod est prima operatio naturæ intellectualis, & velut prima radix, & origo ceterarum.

Ad quartum respondeo, intelligere in Deo esse radicem omnium attributorum, cum hoc tamen discrimine, quod eorum quae pertinent ad operationem, qualia sunt scientia, sapientia, voluntas, amor, iustitia, misericordia, &c. est per se & immediate radix: eorum vero quae pertinent ad esse, & que sunt veluti modi divina naturæ, vel ejus proprietates quasi transcendentiales, qualia sunt infinitas, immutabilitas, aeternitas, veritas, bonitas, &c. non est radix immediata & per se, & sub conceptu formalis intellectus, sed mediata, ratione entis increati, & actus puri in illa imbibiti. Sicut in homine proprietates, quae illi convenient formaliter quæ talis est, ut risibilitas, vis admirativa &c. sequuntur ad ipsum, mediante rationalitatem, & differen-

44.

45.

H

ta specifica : aliae vero quae sunt magis communes , ut esse dormitivum ; vel quae sunt transcendentalis , ut ratio unius , veri , & boni , sequuntur ad ipsum , mediante gradu generico animalis , vel media ratione entis in ipso transcendentaliter inclusa .

46. Ad ultimum nego sequelam Majoris : quavis enim peccatum continetur in divino intelligere , non tamen propterea dici potest illud contineri in natura divina , formaliter quia talis est : quia quando dicitur peccatum contineri in natura divina , sensus est , illud in ea contineri tanquam ejus effectum , vel sicut ejus proprietatem , quod repugnat divinae sanctitati : ut autem dicatur contineri in intelligere divino , satis est quod in eo continetur per modum objecti cogniti .

Potest etiam absolute negari , peccatum contineri , etiam per modum objecti cogniti , in intelligere constitutivo naturae divinae : quia ut dicimus in Tractatu de Scientia Dei , intelligere divinum , sub ea ratione quia est natura divinae constitutivum , non se extendit ad creaturas , nec proinde attingit peccata , sed solum quatenus est attributale & scientificum : unde ex eo quod Deus cognoscat peccata , solum inferri potest , ea contineri in Scientia Dei , non tamen in ejus natura vel essentia .

## ARTICULUS II.

*Quae formalitates ad intellectum spectantes , in Deo consituenda sint ?*

47. H<sup>V</sup>hus difficultatis resolutio necessaria est ad plenam & perfectam notitiam eorum quae diximus articulo praecedenti ; ideoque eam hinc inserimus , quamvis plures illam rejiciant usque ad questionem 14. Ut autem status questionis clare percipiatur .

Sciendum est , plura in intellectu creato inventari , de quibus dubitari potest , an sint etiam in intellectu divino constituenda . Primum est immaterialitas , de qua potest esse dubium , an sit in Deo radix , & ratio a priori intellectualitatis . Secundum est potentia intellectiva , quae est principium proximum intelligendi . Tertium , species objectivae concurrens , & complens , ac secundans ipsam potentiam ad actu intelligendum . Quartum , habitus intellectuales ad intelligendum facilitatem praestantes . Quintum , ipsa intellectio . Sextum , species expressa , seu verbum , quod est terminus ejus intrinsecus . Denique , intellectum formale & primarium , tam motivum , quam terminativum . De his ergo omnibus dubitatur , an formaliter , vel tantum eminenter in Deo reperiantur ? Pro resolutione prima diffinitatis sit .

## §. I.

*An immaterialitas in Deo sit radix intellectualitatis ?*

48. Negativam sententiam tenuere quidam , quos sine nomine refert Aureolus in 1. dist. 35. art. 2. afferentes ex immaterialitate non inferi a priori intellectualitatem activam , sed tantum a posteriori . & a signo : quatenus ex negatione materiarum colligitur nobilitas entis , cui nobilis operatio debetur , & consequenter cognitionis . Pro qua etiam sententia referuntur Ocham

A & Gabriel in 1. dist. 35. quæst. 1. art. 1. quibus ex recentioribus adhæsit Raphaël de Averla infra quæst. 14. scđt. 1. ubi docet rationem quia D. Thomas ibi probat Deum esse summè intelligentem , quia est summè immaterialis , demonstrativam non esse , sed solùm ex probabilibus principiis procedere .

Sententia tamen affirmativa , quæ asserit immaterialitatem esse rationem a priori intellectualitatis , ac proinde rationem D. Thomæ esse demonstrativam , & a priori , saltem quoad nos , communis est , non solùm apud Thomistas , sed etiam apud extraneos , eamque tenent Suarez 2. tomo Metaph. disp. 35. scđt. 5. Molina , Granaeus , Hericet , & alij ; quæ sententia non alter est probanda , quam rationem D. Thomæ explicando , & objectionibus in contrarium respondendo .

Ratio ergo D. Thomæ sic proponitur . Immortalitas est ratio cur aliquid sit cognoscitivum :

Sed Deus est summè immaterialis : Ergo & summa cognoscitivus , & consequenter intelligens , nam supra inter omnes cognitiones , est intellectio . Minor est certa , immaterialitas enim , vel sumitur pro exclusione materiarum , vel pro exclusione potentialitatis , vel pro elevatione supra materiam , & non immersione in illam : Deus autem , cùm sit actus purus , materiam & potentialitatem omnem excludit , & supra omnem conditionem materiarum elevatur . Major autem ostenditur primo ex Philosopho 2. de Anima tex. 124. ubi docet quod plantæ non cognoscunt , quia materiales sunt ; sensus autem cognoscitivus est , quia est receptivus specierum sine materia , & consequenter aliqualiter immaterialis , id est materiarum conditionem excedens . Intellectus etiam humanus est magis cognoscitivus , quia magis immaterialis , id est magis separatus à materia , & minus immixtus illi , ut docetur 3. de Anima tex. 4. Item quia Angelus in immaterialitate superat animam rationalem , utpote nec dependens à materia , nec illam informate potens , animam rationalem in cognoscendo excedit : Ergo immaterialitas est ratio cur aliquid cognoscitivum sit . Unde egregie Tertullianus lib. de Anima cap. 20. *Opimitas sapientiam impedit , exiliatas expedit .*

Secundò probatur : Immortalitas est ratio cur aliquid sit intelligibile in actu , ut enim docet D. Thomas 1. contra Gentes cap. 44. ex hoc forma sunt intellectus in actu , quod sunt sine materia , id est per hoc quod abstrahuntur à conditionibus materialibus , cum quibus ad extra inveniuntur : Sed intelligibile in actu sit unum cum intellectu intelligente in actu : Ergo immaterialitas est etiam ratio activa intelligibilitatis .

Tertiò probatur : In hoc cognoscientibus differunt à non cognoscentibus , quod hæc nihil habent nisi formam suam tantum : illa vero , præter formam propriam , nata sunt habere in se etiam formam rei alterius , per speciem representativam illius : Sed capacitas habendi formas aliarum rerum , convenienter immaterialitatis : Ergo immaterialitas est ratio cognoscibilis activa . Major constat , nam species rei cognitæ est in cognoscente , & per eam sit intellectus in actu : At species representativæ contineat formam & naturam objecti : Ergo cognoscens , natum est habere in se formam rei quam potest cognoscere . Unde Philosophus 3. de Anima tex. 37. docuit animam esse quodammodo omnia , quia